

中華民國二年四月十日

# 湖南政報

中華民國郵政局特准掛號

每三日出報

每月每份售銅元三十八枚

零售每册銅元四枚

(郵費另加)

第五十二册總發行都督府政報發行所

教育科存案

印刷所新湘印刷公司



湖南大都督譚令 現開辦湖南政報以爲公佈各項法令之用業經委任貝允昕爲該處總理並訂定政報

處簡章十條定於十月二十七日出版發行合即通令該司處局廳署仰即轉飭所屬一體遵照此令

目錄

●本省令

都督令

民政司令

財政司令

實業司令

審計分處令

鹽政處令

●呈批

實業司呈

財政司批

實業司批

●公文

公文

都督咨湖北民政長請轉飭興臨湘交界各縣力禁煙由  
實業司咨駐日代表本司特派劉君輔宜赴東調查實業一案由

審計分處咨請財政司查復寶慶關所轄稅款由  
審計分處照請貧民工藝廠轉知前肥料捐局浮報各款由  
鑛務總局咨送上海製造局礮樣一石請試辦核復由

●轉錄

中央命令

臨時大總統令

●部令

司法部部令

交通部部令

●公文摘要

公文

電政管理局暫行章程  
教育部通咨各省賽會迅行報部文 附單  
兼署直隸民政長將改定直隸各縣名稱請核施行文 附單  
陸軍交通部呈 大總統謹會同將軍規定軍用執照暫行條例暨  
頒行日期鑒核文 並批



# △命令▽

## 都督令

### ●都督令

民政  
司法

司據第六區警務巡視員呈報巡視情形並請添設洪江審廳等情一案由

案據湖南第六區警務巡視員甘棠呈稱竊委員於去年十月一號奉民政司委任狀巡視湖南第六區警務遵卽於是月十九號出發十一月十號抵洪江將區內綏寧通道靖州會同黔陽沅州晃州麻陽各屬挨次巡視惟古丈坪廳因乾州風潮甚劇礙經難過而麻陽又以反抗煙禁同時并起市風潮不能坐城久候遂由麻回省不獲前往各屬警款皆極支絀經委員協同知事及行政廳士紳就地籌募頗具基礎惟查通道靖州會同晃州四屬境內皆有黔省插花地或數十丈數百丈不等地雖黔屬居實湘民黔省治化道遠莫及我省政治不能行使殊於行政司法大有妨害其最可惡者如晃屬龍溪口商店有四五家係黔所有辦理警務不獨不能籌捐而查拿窩盜彼以非我所屬爲詞非獨該處爲然凡有插花地方同此窒礙不過該處共同市面爲尤甚耳晃州曹家溪地方有數十丈之地向爲黔有黔人於該處設立釐局抽收湘人釐稅而湘人又以晃民居十之七八晃係瘠區稍有精髓被其吮吸現在辦理新政事事需錢何以堪此當茲滿清鼎革民國初建似應乘時畫清經界免經年既久交涉爲難應懇先令各知事將黔省甌脫我省地方及我省甌脫黔省地方查明廣袤據實呈報復咨由黔省都督互換取消而我省各屬此縣甌脫彼縣者一律通令取消以正經界而便治理再有懇者洪江地方商務繁盛爲西路第一市鎮查該市五方雜處民俗強悍白日持刀殺人者時有所聞該處原係會同屬地而該縣治距洪



江百二十里而遙法官司法鞭長莫及每有民刑事件該處居民非向軍界起訴即從警署請求警署不為受理遂藉警款係若輩捐助曠有煩言礙難却下該處原有分州衙門反正以來始經裁撤會同知事今以該署為行臺間來料理訴訟知事去後過往官吏留寓該署亦或代為審判考察情形幾於凡在政界無不干與法權實屬不成事體應懇於該處添設初級審判廳庶法權可保獨立而警務亦得照章辦理除將巡視警務詳細情形呈報民政司長外所有應取消各屬插花地及添設洪江初級審判廳緣由理合備文呈請核奪施行等情據此除批據呈已悉仰候行

民政  
司法

司察核辦理此批等因印發並分行外

合行令仰該司即便查照辦理此令

● 民政司令

案奉 都督令據禁煙公所所以遵飭委員分赴茶陵攸縣安仁醴縣桂陽常甯桃源慈利永定辰州沅浦鳳凰麻陽沅州黔陽古丈坪永順保靖龍山桑植各州縣會同各知事暨禁煙委員地方紳士查勘煙苗請嚴令駐防各軍隊認真協助如各該印委奉行不力亦應遵照鈞府通令立將該員等罷免現職嚴加應分等情呈乞核示前來據此除批示並行軍事廳轉飭各駐防軍隊認真協助外合行令仰該司即便查照轉行所屬印委各員一體遵照等因奉此查煙禁森嚴期限迫促用特委員分赴各屬查勘煙苗務必早日禁絕以除毒根而免交涉除分行外合亟令仰該知事遵照會同委員駐防各軍隊及地方紳士協力進行認真查禁務絕根株毋得稍事敷衍倘有奉行不力定照 都督通令嚴加處分其各凜遵此令



### ●財政司令

照得各釐局長收提獎前已由司擬定辦法呈奉 都督批准轉行各局遵辦在案惟查各局比較原額凡銀錢兼收之局前清規定比較舊章有以銀折錢者每銀一兩均作錢一串五百五十文原以銀價無常而釐收征銀不過十之一二既以錢數爲比較則由銀折合價格必取平均今於比較額外計算長收凡有以銀折錢之收數應仍根據比較原額折算價格庶符原案兼示持平現查各局因司中年前核計實收款數目凡有收入銀數皆從時價折錢不免誤會亟應通令聲明俾歸劃一爲此令仰該局即便遵照凡有銀錢兼收釐局以銀折錢計算長收者每銀一兩均應照一串五百五十文扣價毋稍參差致煩駁換又凡離差照章應分獎款各員造冊時均應註明現未在局免與現在該局供差未滿一年各員相混切切此令

●實業司令各屬奉 都督令准工商部咨義商願與華商直接貿易飭即通行遵照辦理由

案奉 都督令開案准 工商部咨開接准駐義代表吳函稱據奈波里中義商會中國名譽領事雅納戚來署面稱義商願與華商直接貿易并知華商信實可靠擬請華商將各貨辦齊交船運寄即以關單及提單送至華商指定之銀行由銀行立付現款而以關單提單轉寄商會因先將欲辦之貨名開單送來而請我國指點行名地址俾於未定貨時先與各該行通函接洽等因同時又接米郎某行來信欲買生皮願與華商直接交易不經英法德經紀人之手等因查以上二事皆欲與華商直接交易且付現款似與我國商務甚有裨益除告外交部以資接洽外敬請大部轉飭各商會關知各商即將行名地址及



所售土產徑寄奈波里中義商會或駐義使署藉省周折俾可於未定貨時先與各該行通函商定等因前來查直接貿易於推廣商務極有關係義商購貨既願與華商直接辦理於我國貨品銷路當多裨益相應咨行飭司通知各商會轉達各商遵照辦理可也等因准此除行商務總會外合行令仰該司即便查照辦理此令等因奉此除通行外合行令仰該知事即便照會商會轉達各商查照辦理此令

●審計分處令飭新化縣行政廳更造報冊由

案據該廳造送元年三月起至十二月底報冊一本到處查核來冊並未將出入各款按月分造僅籠統列爲一冊辦法不合且查所列數目復多訛誤除分別逐條開單指駁外應亟令飭該廳迅即查明按月分別更正補造送處以資彙辦毋再延誤切切此令

●鹽政處令各局停收拖費由

照得上年因鹽引脫檔租借輪船拖運藉期迅捷所有煤油等項需費不貲曾經通令各分局每鹽百觔加收拖費省平銀三分在案現查此項拖費按照銷引計算收支兩抵所差無幾應即從本年陽歷四月一號起一律停收以輕鹽價而便民食其從前經收之款並應由各分局掃數解繳歸墊藉清款目除分行外爲此令仰該局即便遵照錄案出示佈告俾衆周知仍將停收花名引數報查此令



△呈批▽

●實業司呈 都督組織實業公報暨請撥公款俾資開辦由並批

竊維湖南居大陸上游土地之肥沃物產之豐盛爲自古中原豪傑競爭之地惜人民智識多迂見聞不廣以致貨牽於地寶韞於山良用慨然近年漸知衰弱之原因趨重夫實業無如講求不力成效莫收推原其故非人民之學識盡屬庸愚也亦非財政之困難無從創造也實由在上者不能設法以提攜而鼓吹之斯在下者無所遵循而興感焉然則提攜鼓吹之法何在惟有搜羅種種實業兼採各國實業政策藉報章爲一大鎔爐一一融化之提煉之以造成一盡善盡美之實業湖南况此際民國肇興邦基未固欲圖工藝之改良農林之墾植商業之發達鑛產之豐富尤非借助實業公報闡發精微不可攷西儒有言曰言語者事實之母凡欲成就若何之事實必先有造成此事實之言論足見報章爲政府之警鐘人類之代舌關係何等重要近查農林及直隸山西各省皆出報章藉以鼓吹實業啓導進行本司職掌所在若不急起直追力求發達將何以副 鈞府期望之殷茲擬組織實業公報延聘通才廣爲編輯每月出版兩冊發售省內各機關及各屬府廳州縣並銷行各省其常年經費業於預算表內擬定省平銀三千兩惟購辦機器紙張及布置一切在在需款約計紋銀二千兩方能開辦本司一再思維此項公報萬難促緩祇得呈請 令飭財政司在於公款項下共撥銀五千兩俾得早日開辦除將公報辦法妥擬章程再行呈請 立案外所有擬辦實業公報暨請撥公款緣由理合呈請 鈞府俯賜查核示遵此呈

大都督譚



批呈悉據稱：辦實業公報等情係爲鼓吹實業起見自應照准所需經費五千兩候行財政司查照籌撥可也

●財政司批湘陰知事李介春呈解煙稅由

據呈解煙稅錢四百九十二串一百〇四文業經照數列收印發批迴在案惟元年十二月三十一日以前欠款仍應趕速催齊掃數彙解以清款目而濟要需所需稅票業已另文令發仰卽照數點收具報備核抄由批發清摺存

●財政司批陸軍生儲世鈴呈爲呈請給帖開當便民事由

呈悉該生擬在靖州設立典當權子母而濟緩急事屬可行該州僻處邊隅酌援照丙種牙帖成例收納帖費銀三百兩工本銀一兩此外別無絲毫雜費陋規仰卽前赴該州行政廳遵具總結邀同殷實鄰佑出具保結隨同帖費銀兩一併賣呈該州知事聽候加結賣司察核給帖此批

●財政司批桑植縣商務分會呈明開河起止日期暨收捐補濟辦法請批示遵由

據呈該縣樂育鄉河一帶現經疏通告竣商船暢行獲免搬旱之苦經該會開會議決參照工價酌減輸捐以充經費等情如果屬實該商戶等捐向來應出之錢而免苛勒羈延之累所議自屬可行唯是否情形如此能否得商民同意仰桑植縣知事查明覆奪仍候 都督暨 各司批示此批呈表抄發

●財政司批常德府知事轉呈唐右楨等請免球紙捐由

呈悉查此項球紙捐當改包爲征時已經紙商代表馬步瀛等公同認可與無故加抽者不同况此項釐



命係由社會中之迷信家間接擔負并非出自山廩之貧民尤於紙業盛衰無甚影響所請免加之處應毋庸議仰即轉飭知照此繳

●財政司批臨武縣知事呈變通採買一案由

呈悉查核所陳種種困難尙屬實在情形該縣採買一項既非按糧攤征自與普通採買之屬不同應准援照藍山嘉禾等縣辦法從民國二年起兵穀二石折作正餉銀一兩征收省平銀一兩六錢以一兩一錢解省五錢存留地方並取銷採買名目改爲米折以示區別仰即出示曉諭俾衆週知再該縣元年田賦尙欠解銀七千八百六十八兩一錢四分六釐迅即從嚴催追隨時批解毋延此繳

●實業司批賴濟南等稟請組織福源實業有限公司由

爾等擬開福源股份有限公司暫從織染入手並附設學校係爲改良營業普及技能起見查核簡章大致尙是據稱以會館爲場所及從會館公積撥銀入股各情既經公議決應即訂立合約抄呈察閱並照章將現款存儲銀行或錢店呈候查驗至所擬商標應專案來司註冊方爲有效仰併遵照仍候 教育司批示此批

●實業司批楊卓等稟請組織經天縫衣機器綫股份有限公司由

爾等擬開公司僱聘技師造製各種各色機器絨毯自無不可惟此事係仿製尋常物品非創新法得新理製新器者可比不能有特許專制之權所稱他人不得仿製實屬意圖壟斷至公司辦法凡有股之人無論股小多少均可查核賬目現行公司律已明有規定簡章第十條應查照更正又所擬商標應專案



註冊方爲有效仰即將簡章改訂呈核並將股款總額四分之一存儲銀行或錢店聽候查驗此批

●實業司批艾均業等稟請組織開源毯毯工廠由

爾等組織開源毯毯工廠以圖改良製造挽回利權自屬可行之事惟毯業公會另是一事不應列入工廠章程工廠係營業性質與學校有所不同藝徒畢業亦毋庸本司發給證書仰即將簡章妥爲刪改並將現款存儲地點聲復來司以憑查驗仍候 教育司批示此批

●實業司批陶煦等呈請改組甯鄉合利煤礦公司由

查甯鄉縣屬巷子口爛泥沱栗山托等處煤礦前據黃鶴梅等呈請開採業經分別令行該縣知事詣勘在案未據呈覆茲據呈黃鶴梅因事目願折夥歸該商另行組織更名合利公司等情既據抄具黃鶴梅下成字約並該業主換立租約呈驗應准將黃鶴梅原案取消另行飭縣勘明呈覆核奪此批抄均存



△公文▽

公文

●都督咨湖北民政長請轉飭與臨澧交界各縣協力禁煙由

案據臨澧縣知事趙銘鼎呈稱竊照禁煙爲民國要政期限甚形迫促非全體有一致之進行不足以除毒氛而臻上理吾湘頒行禁煙條例懲治甚嚴言出法隨久已震動全省人民之耳目禁絕之效不難立覩惟偏僻遠縣逼近鄰省有因疆域之分而查緝不便者有因禁令之施而緩急不一者一般煙民巧於趨避以連界之區爲逋逃之藪若不設法維持互相查禁雖於本管區域已無煙館土舖暫收效果而偷買既便就食亦易查之無證緝之無據而人民之中其害者乃隱且深也知事到任以來奉令飭查不遺餘力然每與湖北邊縣交界地拿獲煙犯多名有籍隸外縣而在臨境被獲者亦有臨境煙民聞風竄出不能得其蹤跡所在者此種情形實係煙民乘機窺伺視禁令之寬嚴施詭譎之伎倆以致職司查緝者有莫可如何之歎臨邑北界嘉魚潛通沔陽西與監利隔江對峙東與蒲圻崇陽通域接觸惟南接巴陵同受吾湘一致進行之治故偏南一隅煙民尙覺稍稀其餘三面均與湖北邊縣相連城治居全境西偏與東北邊地相隔者俱以百數十里計而與嘉魚交界之地則人煙稀散與崇陽交界之地則山路崎嶇尤最著者沔陽之新堤監利之白螺磯楊林磯螺山蒲圻之新店羊樓司通城之白港等處經臨紳調查報告各處煙民尤有明目張膽視爲故常者三面弛禁一縣受害此辦理煙禁之確有空礙難行而不能不急謀救濟之術也查湖南禁煙現行條例第八條載鄰省接壤地方如有弛禁情形其影響及於本管



區域時呈請本府咨會鄰省都督協同查緝等語茲臨邑與鄂省接壤地方既多而其弛禁情形又非知事所得直接干涉惟以責任既重凡見聞所及不能稍事敷衍理合呈請鈞府咨會 湖北都督迅飭與臨湘交界各縣於近臨阨要地方協同查緝以杜影響而策進行深爲公便等情據此除批示外相應備文咨會 貴民政長請煩查照轉飭與臨湘交界各縣一體協力查緝以期早日禁絕實緝公誼此咨

●實業司咨駐日代表本司特派劉君輔宜赴東調查實業藉資攷鏡一案由

竊維富強之策以實業發達爲要圖而實業之興以取法有資爲尤要敝司握全湘實業之權於國家根本上之問題何由而可以致強民生根本上之問題何由而可以致富關係最爲重大况際茲民國肇興邦基未固若欲與列強並駕齊驅於競爭劇烈之場是非派員切實調查種種實業敦促進行力圖發達不足以挽利權而固邦基查日本爲我中華同文之邦自明治維新以來振興實不遺餘力以致農工商鑛各項蒸蒸日上洵啓我東亞文明之漸湘省地處溫帶物產富饒由人民墨守成規改良不力尤應力爲提倡茲特派劉君輔宜前往日本各工場調查一切藉資考鏡除照會該員尅日起程外相應咨請貴代表煩爲查照俟該員到東希即備文介紹俾得考察無遺實緝公誼此咨

●審計分處咨請財政司查復寶慶關所轄各分關辛亥秋季稅款由

案查寶慶關前造送按月報冊到處查核冊開山口花橋兩分關辛亥冬季分無稅款收數前經敝處駁詰在案去後旋據復稱山口花橋兩關地處偏隅稅務短絀反正之初新化未甚注意故二關秋季包征由戶書繳到至十月初新化始派人接辦冬季以後包款應歸新化繳解專辦自奉財政司照會即將三



關未歸管轄情形呈報在案等語茲奉新化九月以後費到各册未據將冬季以後包征稅款列收究竟此項稅款征收若干曾否由該新化縣知事直接繳解到司亟應澈底查核又查該寶慶關呈稱蘇溪分關向例由府委員督率戶書征收每年夏季稅款爲數甚巨去歲九月新化縣彭知事攫去自辦并勒令戶書姚濱江將秋季所收稅款如數繳出前寶靖招撫使譚君心休抵寶後即委新化謝毓藩接辦仍抗未交出等語未審此項秋季稅款征收若干現在已否繳解到司應請一併查明分別究追以重稅款而一事權是爲至盼爲此備文咨煩查照辦理迅復施行此咨

●審計分處照請貧民工藝廠轉知前肥料捐局庶務繳還浮報各款由

案查 貴廠附設征收肥料捐處檢送前肥料捐局庶務處本年二月分報銷底册到處當經敝處查核册開各款其中多未覈實茲特撮舉浮報數目開列清單照請 貴廠轉知前肥料捐局庶務照查單開各款如數繳還以重公款而儆效尤爲此備文照請迅煩查照見復特此照會

●鑛務總局咨 送上海製造局礦樣一石請試辦核復由

爲咨會事案奉 譚都督令開案照前據該總局以籌銷湘礦請將價值減輕擬每年以二千石運銷上海製造局援官用土貨例免完釐稅至售礦價各省情形不同再行分別定價呈請核辦前來當經咨行上海製造局去後前據該局呈稱查此案前由湘礦局張委員送到礦樣少許來局試驗并商請局用湘礦製造軍火採用土貨極樂贊成惟本局製造無烟火藥向有額定成本如原料價昂即與成本有礙擬請按照近三年局購日礦連稅價值平均拉計着中定價將來援照官用土貨例呈請免完釐稅仍按月



磺連稅價值訂購以資貼補惟須再送大批磺樣來局試驗方能定議局練磺強備造無煙藥之用關係重大不得不格外慎重奉文前因究竟每碩計中權若干斤未奉明示又查局中約用硫磺三十餘萬磅不知應合若干碩將來初用土磺祇可逐漸試搭如果有十分把持與所用洋磺功用無異方能大批購買此時似未便認定銷數總以土磺如能合用無不極力贊助籌銷仍希先飭該局寄送大批磺樣數石來局試驗並請核示擬減價值以憑籌劃理合具文呈復仰祈俯賜鑒核轉飭遵照等情據此合行令仰該局即便查照此令等因奉此查籌銷湘磺一案前據張委員調查具復到局當經呈請 譚都督咨商貴局在案茲奉令行前因具見 貴局長提倡國貨贊助熱忱無任欽仰特派敝局堆棧稽查委員王紹華押運磺樣壹石每石合中權壹百斤以 貴局每年約用硫磺三十萬餘磅計算約需二千一百五十餘石前項磺樣抵滬應請 查照磅收飭承試驗如能合用請即知照估計每年承銷石數除運費起力一切用項外每百斤實價若干咨復敝局如價值合宜即當咨請 貴局援官用土貨例呈由 陸軍部轉飭經過各關卡免完釐稅藉資貼補敝局之意欲如土貨多籌銷路即于國家少塞漏卮固不僅爲湘南一省計也如此咨會 貴局請煩查照施行仍希核奪見覆盼切禱切此咨



△轉錄▽

●中央命令

臨時大總統令

任命聶其煒爲中國銀行協理此令

任命田駿豐署甘肅財政司長此令

財政總長周學熙呈請任命周鴻業陳同紀伍宗珏署編纂樓振聲呂宗恪蘇世樟楊延森徐士瀛署僉事應照准此令

財政總長周學熙呈請任命陳惟彥爲中國銀行監理員應照准此令

湖南都督兼署民政長譚延闓呈稱教育司長吳景鴻呈請辭職吳景鴻准免本官此令  
任命唐聯璧署湖南教育司長此令

交通總長朱啓鈴呈稱祕書祝書元祝譽虞愚呈請辭職祝書元虞愚准免本官此令

交通總長朱啓鈴呈請任命陳同壽呂成章爲視察沈琪爲技正應照准此令

交通總長朱啓鈴呈請任命王蘊登王念祖邱其裕楊若張心澂郭世鏞爲僉事應照准此令

徐鎮淮授爲陸軍少將此令

任命貢桑諾爾布溥倫載功毓秀奎芳德茂管理新舊營房城內官房事務此令

陸軍總長段祺瑞呈請任命王子甄爲陸軍憲兵學校教育長應照准此令



陸軍總長段祺瑞呈請任命張鴻緒爲直隸都督府副官長楊文愷爲直隸都督府軍務課課長高曾介爲直隸都督府軍需課課長張仁侃爲直隸都督府軍法課課長紀書元爲直隸都督府軍醫課課長應照准此令

陸軍總長段祺瑞呈核覆吉林都督擬以春福補左領請予准補等語應照准此令

雲南都督兼署民政長蔡鍔電呈稱滇西觀察使陸邦純呈請辭職陸邦純准免本官此令  
任命楊晉爲雲南滇西觀察使此令

國務總理內務總長趙秉鈞呈稱據新疆都督兼民政長楊增新呈請任命甘毓霖陶志學陳繼善魯延侯爲財政司科長應照准此令

國務總理內務總長趙秉鈞呈稱據廣西都督兼民政長陸榮廷呈請任命韋文林爲南甯警察廳長何宗羲爲梧州警察廳長蔣乃勤爲龍州警察廳長應照准此令

國務總理內務總長趙秉鈞呈稱據新疆都督兼署民政長楊增新呈請任命鄧朝棟爲蒲犁縣知事應照准此令

國務總理內務總長趙秉鈞呈稱據新疆都督楊增新呈請任命張應選爲毓勒縣知事張元縝署拜城縣知事應照准此令

蒙藏事務局呈稱據鄂爾多斯札薩克親王阿爾賓巴雅爾呈請將該旗保善寺班第達格根喇嘛等分別加給封號等語保善寺班第達格根喇嘛克巴達齋札勒散應給予默爾根諾們罕名號達喇嘛格根



羅布桑丹贊凱魯布呢瑪應給予默爾根綽爾濟名號以示優異此令  
指令第二十六號令國務總理司法總長據該總理等呈稱擬將司法部祕書侯可欽編纂程家穎僉事  
呂尉曾均敘五等等語應即照准此令

部令

司法部部令第二號

承發吏庭丁服制令

第一條 承發吏制服式如第一圖第二圖色用黑袖章及褲章均綴白線一道

第二條 承發吏制帽式如第三圖色用黑帽沿周圍緣白線三道

前項制帽須綴銅質帽章如第四圖

第三條 庭丁制服式如第五圖第六圖色用黑

第四條 庭丁制帽式如第七圖色用黑帽沿周圍緣黑線三道

前項制帽須綴銅質帽章如第八圖

第五條 承發吏庭丁制服制帽料均用本國毛織品或棉織品

第六條 制服制帽承發吏庭丁於服職務時用之

第七條 本制公布後一月內施行

交通部部令第十九號



本部爲整頓電政起見將設立電政管理局擬訂電政管理局職掌暫行章程業經呈奉 大總統批准  
在案公布之此令

交通部部令第二十號

本部管轄交通四政出入款項紛繁一切會計事宜必須明定範圍畫清統系方不致受普通財政之牽掣而亂繼續進行之秩序至一切簿記冊報並須整齊明確組織合宜方可據以稽考內容增加信用往者所筭四政或以專家之缺乏或受契約之拘牽或緣習慣之沿襲至今會計不能獨立簿籍未盡改良於執行人員之應用監督機關之稽核均多未便亟應及時變革以期漸臻完善惟茲事體大匪可草率成功茲特於本部設立特別會計總核處一所先行調查現行規制斟酌各國先例編訂關於四政之會計簿記各法規以立改良之根本即調派京漢鐵路會辦王景春爲該處處長所有該處一切事宜即責成該員始終其事認真辦理並迅擬該處組織大綱進行次序暨辦事細則呈候核定施行此令  
交通部部令第二十一號

本部所筭四政特別會計關係重要現已設立特別會計總核處應即先從改良簿記編訂會計法規入手至路政一項事體繁重待用孔殷應即提前辦理並由王處長景春迅速籌畫一切尅日舉行此令

△公件摘要▽

公文

電政管理局職掌暫行章程



## 第一章 總綱

第一條 電政管理局隸屬交通部掌關於電報電話及無線電事務

第二條 電政管理局之名稱及管轄區域駐紮處所規定如左

直魯電政管理局 管轄直隸山東各局 駐天津 奉吉黑電政管理局 管轄東三省各局 駐奉天 江蘇電政管理局 管理江蘇全省各局 駐上海 鄂湘電政管理局 管轄湖南湖北各局 駐漢口 粵桂電政管理局 管轄廣西廣東各局 駐廣州 晉豫電政管理局 管轄山西河南各局 駐開封 贛皖電政管理局 管理江西安徽各局 駐九江 滇黔電政管理局 管理雲貴各局 駐雲南 川藏電政管理局 管轄四川西藏各局 駐成都 新青電政管理局 管轄新疆青海各局 駐迪化 秦隴電政管理局 管轄陝西甘肅各局 駐西安 閩浙電政管理局 管轄福建浙江各局 駐杭州 蒙疆電政管理局 管轄內外蒙古各局 駐庫倫

第三條 電政管理局各管轄其區域內之電報電話各局

## 第二章 組織

第四條 電政管理局置職員如左

監督 文牘員 主計員 巡綫總管 核算生 書記生

第五條 監督每局一人承交通部之命總理局務指揮監督所屬及各局職員  
管理局總監督以電政司司長兼任之依部令範圍內得發訓條批飭於各監督



第六條 文牘員每局一人承監督之命辦理本局文牘事務

第七條 主計員每局一人承監督之命辦理本局會計出納事務

第八條 巡綫總管每局二人至三人承監督之命辦理綫路工程事務

第九條 核算生每局四人至六人受上官指揮從事核算事務

第十條 書記生每局四人至八人受上官指揮從事繕校及庶務

## 第二章 職掌及權限

第十一條 電政管理局職掌於左

一關於監督各局營業事項 二關於考核各局職員領生事項 三關於整頓各局勤務事項 四

關於核復各局會計事項 五關於巡修各局綫路事項 六關於電務交涉保護與地方行政接洽

事項 七關於其他監督各局事項

第十二條 電政管理局執行前各項事務時應隨時將辦法報告於交通部查核

第十三條 電政管理局依其職權執行部令範圍得發訓條批飭通告於所轄區內各局

第十四條 如有特別事項經交通部特別委任辦理者其職權另以部令定之

第十五條 電政管理局於該轄區域內之電政改良及推廣事務得建議於交通部聽候採擇施行

第十六條 監督所轄各局擬分別一二三等電報局另以部令定之

第十七條 監督以下各局員委任調派暨薪水公費由交通部定之



第十八條 各區管理局辦事規則另行規定

第四章 附則

第十九條 本章程自奉准公布之日施行

電政管理局及所轄區域內各局處數表

名稱

駐紮地

區域內所轄各局總數

備考

一等局 二等局 三等局 合計

直魯管理局

天津

三

六

七十一

八十

奉吉黑管理局

奉天

三

七

五十一

六十一

江蘇管理局

上海

三

五

三十九

四十七

鄂湘管理局

漢口

三

七

四十九

五十九

新店附

粵桂管理局

廣州

三

六

二百六

一百十五

香港附

川藏管理局

成都

一

七

二十九

三十七

晉豫管理局

開封

二

三

三十一

三十六

贛皖管理局

九江

三

五

三十二

四十

滇黔管理局

雲南

二

六

三十七

四十五



新青管理局	迪化	一	五	十四	二十
秦隴管理局	西安	二	二	十五	十九
閩浙管理局	杭州	二	八	三十	四十
蒙疆管理局	庫倫	一	二	三	六
					暫駐張家口
總計	十三處	二十九	六十九	五百七十	六百五

說明

此表係按照目前計畫酌量支配惟各局等次及設置應視報務之衰旺營業之趨勢為衡將來遇有改良變更應俟臨時規定合併陳明

●教育部通告各省 都督 民政長 鈔送奧國賽會分部各類名目清單請轉飭所屬機關有關此會品物願

往赴賽者迅行報部交 (附單)

為咨行事社會教育司案呈一月三十一日准外交部函開奧國使館節略稱奉本國外部函開今年以奧國兼併亞地亞海沿邊各省百年紀念定擬在奧國京城舉行賽會陳設各該省出產製造品並美術古玩各種分為十九部本國政府請各國宣布各處俾眾周知如有願與會者可預先知本國等語相應轉請貴部飭令有關此會之各屬機關知照並將該會分部各類名目列單鈔附如有物品擬赴該會與賽者希即函告本部以便與奧使接洽等因准此相應鈔附奧國此次賽會分部各類名目清單請煩貴 都督 民政長 轉飭教育司通告所屬機關如有關於此會品物願往與賽者迅行報由該司轉呈貴 都督 民政長 復本部以憑函告外交部與奧使接洽辦理可也此咨



●計附奧國賽會分部各類名目單

奧國此次賽會分部各類名目單

- 一兵商船模類
- 二史學古蹟類
- 三美術
- 四百藝類
- 五家技類
- 六農林類
- 七食品果酒類
- 八造船類
- 九機器類
- 十海外進出貨類
- 十一沐浴醫病泉類
- 十二玩轉體操類
- 十三救生類
- 十四海底動植學類
- 十五測量時序類
- 十六漁獵類
- 十七陸地植物學類
- 十八陸地動物學類
- 十九交通類

●兼署直隸民政長馮國璋呈國務院遵將改定直隸各縣名稱繕單請鑒核施行文 (附單)

爲呈明事案奉 大總統第五號教令第一條第一項現設有直轄地方之府及直隸廳州地方該府該直隸廳州名稱均改爲縣第二項現設廳州地方該廳該州名稱均改爲縣等因奉此查直隸各府廳州縣行政官廳向皆因原舊制按諸現行畫一辦法亟須分別遵照改定節經妥晰籌議凡從前府廳州各項名稱遵令一律改縣惟保定永平順德廣平各府原均設有附郭縣名如保定爲清苑縣永平爲盧龍縣順德爲邢台縣廣平爲永年縣自應改用舊置縣名以符疆理其保定府屬之安州舊制附有新安鄉治擬改爲安新縣張家口廳前清設撫民同知治張家口以壯民地擬改爲張北縣其餘均仍舊名免淆觀聽所有改定直隸各縣名稱情形除通飭各屬遵照外相應鈔錄清單呈請貴院鑒核施行此呈

●謹將改定直隸各縣名稱開呈鈞鑒

- 清苑縣
- 滿城縣
- 安肅縣
- 定興縣
- 新城縣
- 唐縣
- 博野縣
- 望都縣
- 容城縣
- 完縣
- 蠡縣



雄縣 祁縣 東鹿縣 安新縣 高陽縣 正定縣 獲鹿縣 井陘縣 阜平縣 欒城縣 行唐  
 縣 靈壽縣 平山縣 元氏縣 贊皇縣 晉縣 無極縣 藁城縣 新樂縣 易縣 陝水縣  
 廣昌縣 葦縣 南宮縣 新河縣 棗強縣 武邑縣 衡水縣 趙縣 柏鄉縣 隆平縣 高邑  
 縣 臨城縣 寧晉縣 深縣 武強縣 饒陽縣 安平縣 定縣 曲陽縣 深澤縣 天津縣  
 青縣 滄縣 鹽山縣 慶雲縣 南皮縣 靜海縣 河間縣 獻縣 阜城縣 肅寧縣 任邱縣  
 交河縣 寧津縣 景縣 吳橋縣 故城縣 東光縣 大明縣 魏縣 南樂縣 清豐縣 東明  
 縣 開縣 長垣縣 邢台縣 沙河縣 南和縣 平鄉縣 廣宗縣 鉅鹿縣 唐山縣 內邱縣  
 任縣 永年縣 曲周縣 肥鄉縣 雞澤縣 廣平縣 邯鄲縣 成安縣 威縣 清河縣 磁  
 縣 盧龍縣 遷安縣 撫寧縣 昌黎縣 灤縣 樂亭縣 臨榆縣 遵化縣 豐潤縣 玉田縣  
 宣化縣 赤城縣 萬全縣 龍門縣 懷來縣 蔚縣 西寧縣 廷慶縣 保安縣 懷安縣 順  
 天府屬 大興縣 宛平縣 涿縣 良鄉縣 房山縣 通縣 三河縣 寶坻縣 武清縣 薊縣  
 香河縣 寧河縣 霸縣 保定縣 文安縣 固安縣 永清縣 大城縣 東安縣 昌平縣  
 順義縣 懷柔縣 密雲縣 平谷縣 張北縣 獨石縣 多倫縣 圍場縣 承德縣 灤平縣  
 平泉縣 降化縣 豐寧縣 朝陽縣 阜新縣 建昌縣 建平縣 綏東縣 赤峯縣 開魯縣  
 林西縣

● 陸軍部  
交通部 呈

大總統謹會同將軍用半價記賬及半價交價兩種執照詳加斟酌改用新式執照並



規定軍用執照暫行條例暨頒行日期繕具執照式樣條例清單請鑒核文並 批


爲呈請事案查前清陸軍部所頒發軍用執照共分兩種一曰軍人乘車執照一曰軍用品輸運執照凡陸海軍軍人及一應軍用物品如持有此種執照附搭中國官商鐵路來往輸運者其車費均照該路所定價目減收半價固爲優待軍人及便利交通起見迨軍興而後運輸頻繁前種執照難適於用然軍事經費匱乏時虞我 大總統特飭刊行軍人乘車記賬執照及軍用品輸運記賬執照於力謀軍事交通便利之中實寓維持經費之意蓋籌碩畫欽佩莫名惟此兩種執照自發行以來用途日廣弊端漸生且執照式樣頗大行用諸多不便應即力求改良郭清弊源以副我 大總統整理軍政維持路政之至意茲由陸軍交通兩部會同將所有半價記賬及半價交價兩種執照詳加斟酌改用新式執照並規定軍用執照暫行條例二十三條擬於民國二年三月十五日由部令分別頒行其舊式各種執照仍請 大總統准由部令一律取銷以歸畫一而便稽核所有改用新式執照及規定軍用執照暫行條例並頒行日期各緣由理合會同呈請 大總統鑒核示遵並將所定兩種新式執照樣式及軍用執照暫行條例一並繕呈鑒核謹呈

批據呈已悉應即照准此批









原件短缺